

Cuengh Gun Caez Son Cingzcik Ak

坚持“双语”成效显

——Geiq Hong Ak Cuengh Gun Song Saw Vah Sonhag Hwngzyen Bingzmaj Cin Cungsim Yozyau(Fwnhyau)

□bonjbauq gicej Vangz Hauyinz Dangz Lungz



▲ Yaucangj Vangz Genh lwnh cingzgvang hagdangz.

▲ Hagseng doenggvaq doh-meizdij hag Sawcuengh.

◀ Swcigih Gyauyuzdingh Minzgyaucu cucangj Veiz Lanz-mingz(swix ngeih) daeuj cazyawj nem sonyinx guh hong vwnzva minzcu.



▲ Veiz Haijfangh lauxsae camgya yienh gaep Cuengh Gun song saw vah sonhag ginaengz doxdax.

Duenh gonq, gicej youz Hwngzyen Gyauyenzsiz Cuengh Gun song saw vah gyauyenzyenz Liengz Meizginz daiqlinx, daj yienhsingz naengh ci 40 lai faencung, bae daengz Bingzmaj Cin Cungsim Yozyau (Fwnhyau).

Dangseiz boux yaucangj Vangz Genh ciepdaih dou, de lwnh dou: Aen hagdangz neix dwg aen siujyoz Mbanjcuengh, youq diegbya haemq hoj; gaxgonq dwg Bingzmaj Cungsim Siujyoz, dwg Hwngzyen aen Cuengh Gun song saw vah saedniemh yozyau daih'it. 2000 nienz, aen hagdangz neix gaij mingz lo, heuhguh Bingzmaj Cin Cungsim Yozyau(Fwnhyau).

Ciuq cam rox, aen hagdangz neix gvi Bingzmaj Cin Bingzmaj Segih guenj, fuzvu 6 aen mbanj(seizneix daengx cunh gunh miz 5000 lai vunz). Gunh miz 9 aen ban (baugvat 3 aen yozcenzbanh), 440 boux hagseng, 14 boux gyau cizgung. Lauxsae yozliz cienzbouh hab iugouz, 8 boux lauxsae miz daconh yozliz roxnaeuz daconh yozliz doxhwnj, 11 boux lauxsae miz cungaep cizcwngh, 8 boux lauxsae nienzgeij 40 bi dauqndaw. Hagdangz ciemqdieg 9

moux, gencuz menciz 3150 bingz-fanghmij. Hagdangz miz dohmeizdij gyauyoz sezbei dauq ndeu, saw 2000 lai bonj.

Aen hagdangz neix guh Cuengh Gun song saw vah sonhag gaenq 30 bi. 30 bi gvaqdaej, hagdangz laebdaeb ciuq aen fuengcim“cibroek cih” bae guh Cuengh Gun song saw vah sonhag, daihdamj sawq guh gaijbienq, ceng au Cuengh Gun song saw vah sonhag cungj ndei.

Guh Cuengh Gun song saw vah sonhag baenzneix nanz, aen hagdangz neix gonqlaeng ndaej bingzguh si gaep、yienh gaep Cuengh Gun song saw vah sonhag saedniemh gunghcoz senhein cizdij; coengh dieg Boux-cuengh beizyangj haujlai vunzcaiz maenhndei. Doenghboux vunzcaiz hag Sawcuengh de, daengzlaeng miz 30 lai boux guh hong sonhag, gyoengqde youq ndaw cin gak aen yozyau, dang lingjdauj roxnaenz lauxsae daeuz, lij miz haujlai vunzcaiz guh hong wng hix gig maenhndei; hagseng gauj hwnj dayoz conghonh、bwnjgoh、yenzgiuswngh miz 60 lai vunz, beij guh Cuengh Gun song saw vah sonhag gaxgonq gyalai 3 boix doxhwnj.

Aen hagdangz neix laebdaeb dawz hong Cuengh Gun song saw vah sonhag dangguh hong daeuz, sawj lauxsae ceng guh boux lauxsae miz “Cuengh Gun song saw vah” daegsaek. Gaenh bi daeuj, miz mbangj lauxsae coz, guh swcigih gaep gak yozgoh vixyinx doxdax, sij Cuengh Gun song saw vah sonhag lunvwnz, cungj ndaejciengi. Lumjnaeuz 2014 nienz, daengx gih siujhagseng au Vahcuengh byauhcnj gangj gojgaeq doxdax, boux hagseng Yiz Ligez ndaej ngeihdaengjciengi; camgya sij Cuengh Gun song saw vah sonhag lunvwnz doxdax, Vangz Siujyiz、Vangz Ginz、Veiz Meizfangh daengj lauxsae cungj ndaejciengi; Vangz Siujyiz lauxsae camgya daengx yienh Cuengh Gun youhcizgo doxdax, ndaej daengdaengjciengi.

Lai bi daeuj, aen hagdangz neix laebdaeb ciuq aen fuengcim“cibroek cih” bae guh Cuengh Gun song saw vah sonhag, au neix daeuj doidoengh gyauyuz fazcanj, hawj gyauyuz cizlieng ndaej daezsang, moix baez daengx cin geizmued gaujsi, gak yozgoh cingzcik ca'mboujlai cungj baih youq baihnaj daengx cin.



▲ Lauxsae camgya Cuengh Gun song saw vah sonhag ginaengz doxdax aeundaiej itdaengjciengi.



▲ Hagseng camgya Hwngzyen doeg Vahcuengh byauhcnj doxdax liux lingxcienj.



▲ Youq ngoenz “roek it” hagseng angqyangz ciengq go guh hozdung.



▲ Hagseng ciengq fwen gingqlaeuj gig ndeidingq.



▲ Hagseng hag diuq minzcu conzdungj dijyuz—fouxfaexsaux.



▲ Hagseng camgya yienj-heiq doxdax ndaej ngeihdaengjciengi.